

D. IV. h 18 27340/P 54900

DECANVS ORDINIS MEDICI
ALBERTVS HALLER

M. ET PHIL. D.
MED. ANATOM. BOTAN. ET CHIR. P. P. O.
ARCHIATER REGIVS

VIRI CLARISSIMI

**IOHANNIS LVDOLPHI CHRISTIANI
MEIER,**

**DISPUTATIONEM
DE NVPERA FEMINAE GRAVIDAE IN THEATRO
GOTTINGENSI DISSECTIONE**

PRO SVMMIS IN ARTE MEDICA HONORIBVS

PVBlice SVSCIPIENDAM

INDICIT

AD DIEM XIV. SEPTEMBR.

MDCCXXXIX.

IDEM

ITERATAS DE VASIS CORDIS OBSERVATIONES

ADDIDIT.



**GOTTINGAE,
APVD ABRAM VANDENHOECK, ACAD. TYPOGR.**

[1739]

DEPT. OF AGRICULTURE

U. S. BUREAU OF PLANT INDUSTRY

WASHINGTON, D. C.

1910

PLANT INDUSTRY

PLANT INDUSTRY

PLANT INDUSTRY

PLANT INDUSTRY

PLANT INDUSTRY

PLANT INDUSTRY

PLANT INDUSTRY

PLANT INDUSTRY

PLANT INDUSTRY

PLANT INDUSTRY



PLANT INDUSTRY

PLANT INDUSTRY

PLANT INDUSTRY

PLANT INDUSTRY

PLANT INDUSTRY

PLANT INDUSTRY

PLANT INDUSTRY

PLANT INDUSTRY

PLANT INDUSTRY

PLANT INDUSTRY

PLANT INDUSTRY



§. I.

Ex quo *de vasis Cordis* primum obser-
vationes nostras edidimus publice,
multae natae sunt opportunitates,
quae ad exquisitiorem cognitionem corporis
humani continuo nos invitant. Namque ex
providentia Regia, cujus in nostra commoda
administer perpetuus est **ILLVSTRISSIMVS**
MVNCHHAVSIVS, exstructum est Theatrum
anatomicum, ipso in hortis situ laetum, per-
spicua luce & figurae aptitudine commendabi-
le, tribus vero adjectis cameris auctius, ut per-
petua mutatione loci, & venti perspirantis sa-
lubri itu redituque foetorem sordesque evite-
mus facile, locum disseccandi etiam plures ex-
peditum habeamus. Concessa est venia pa-

randi ex publico sumtu instrumenta, quae a metalli puritate, aut ipsa novitate formae precium habent. Privilegia, & occasiones nanciscendorum cadaverum humanorum, ita auctae, & publica commendatione confirmatae, ut ab eo tempore, viginti quinque hominum corpora, praeter duos foetus, materno utero adhuc absconditos, in Theatrum illata sint. Quare in ea opportunitate, uti reliquas fabricae humanae partes, ita CORDIS naturam dudum tentatam, in multis exemplaribus denuo sollicitè contemplati, non absque aliqua accessione observationum antiquos labores iteravimus. Quae vero a prioribus diversa vidimus in vasis Cordis, aut nondum visa noviter invenimus, ea brevi sermone enarrare hic visum est. De *nervis*, alias & peculiari loco dicemus.

§. II.

Arteriarum Coronariarum originem ex quinque & ultra observationum consensu semper supra valvulas Arteriae magnae vidimus, ut non possimus hic tueri elegantem Theoriam

riam VIEVSSENI. (a) Nempe Vir Clarissimus cor contractum ideo nullum sanguinem proprias in carnes recipere existimavit, quod valvulae, ab ipso sanguinis ex corde prodeuntis fluento extensae, occludant arteriarum Coronariarum ostia, viamque in eas arterias tum demum concedant sanguini, quando contracta Arteria magna sanguinem suum versus Cor repellit, & spaciis velaribus inter valvulas Aortaeque parietes repletis, remotisque a pariete valvulis, liberum iter nascitur in cordis arterias. Experimentum certum est, Cor contractum expallescere, sanguinem in vasis suis non habere. Theoria vero observationibus clarorum virorum MORGAGNI, LANCISI, SANTORINI, ALBRECHTI, (b) nostris denique non respondet. Atque videtur ad excludendum sanguinem sufficere in corde, ea, quae in omni musculo sufficit, tumida fibrarum carnearum durities, a qua sanguis in arterias receptus expellitur, adventans excluditur. Ita tamen, ut ratio etiam habeatur anguli, ad quem

(a) *Traité du coeur. c. XI. p. 76.*

(b) *Vid. Diss. nostr. de vas. cord. propr. §. III. not. c.*

quem ex arteria Aorta proveniunt Coronariae. (c) Is enim angulus sursum obtusus, ad cor vero acutus est, favet ergo admittendo sanguini, qui redit ab Aorta, excludit eum, qui ex corde advenit.

§. III.

In *Arteriarum Coronariarum* & truncis & ramis, multum naturam a se ipsa dissentire vidimus. Et arteriam quidem *Dextram* non solum *venae mediae* comitem, sed trans eamdem, ad ramos *Venae Coronariae* magnos penetrasse vidi, cum Sinistra brevior esset; alias Sinistra *Venae mediae* comes fuit, *Dextra* ad venam *Dextram* substitit, nunquam tamen utraque Arteria in coronam coeivit. Quod ideo, & visum esse, & non infrequenter, contra *RVYSCHIVM* & *WINSLOWVM* non nego, perpetuam esse, & in magnis ramis conjunctionem, id videtur posse negari. (a)

§. IV.

(c) *VIÉVSSENS* l. c. *Tab. V. f. 1.*

(a) *De Vas. Cord. propr. IV. not. f.*

§. IV.

Rami *Arteriae dextrae*, satis constanter visi sunt. I. Ad Arteriam pulmonalem, non exiguus. (a) II. Ad aurem dextram, aut unus, isque magnus, a quo Aorta ramulos habet, qui ad sinistrum finum usque migrat, aut plures exigui. (b) III. Comites *venarum innominatarum* aliquot in plano inferiori. (c) IV. Comites demum *venae mediae*, aut ad eam paralleli, in plano inferiori. Profundum ramum non dat, qualis ex sinistra venit, quod per tenuem substantiam cordis incedat, vix aliquot fibris a ventriculi dextri cavo distans.

§. V.

Arteria coronaria sinistra, Profundum ramum, & alios ad finum sinistrum dedit perpetuo. Visa est etiam ab ortu trifida fuisse, ita ut sinisterior ramus protinus ad inferius planum reperet, medius per marginem obtu-

(a) ib. §. V. dictus II.

(b) ibid. dicti III.

(c) ibid. IV.

obtusum descenderet, dexterior idemque maximus comes esset venae coronariae magnae. (a)

§. VI.

In Venis longe uberior fuit observatio. Namque ante omnia in feminino cadavere, semel omnino, visa est *Vena anterior* GALENI (a) in facie superiori & anteriori Cordis, maximae *in nominatarum* similis, quae & ex aure, & ex convexa cordis facie ramos colligens, ipsis auris cum Venae Cavae superioris confiniis inserta fuit.

§. VII.

Innominatae perpetuo adsunt aliquae, fatisque constanter parallelae inter se, a mucronis sede, per faciem convexam ducentes pene recto cursu, trans arteriam dextram, ad aurem dextram, ejusque basin, qua parte cum ostio venoso conjungitur. Aliquando *inferior* earum, in planam faciem reflexa, in-
osculata

(a) Qualis est simillima icon VIEVSS. Tab. VI. f. 1. n. 3. 4. 5.

(a) Conf. *de Vaf. Cord.* XV. not. b.

osculata est *Mediae*. Eadem inferior ramos dare solet transversos, cum transversis ramis Venae Mediae connexos. Bis visa est earum una simillima iconi *EUSTACHIANAE* (a), inserta, ut solet, in proprium recessum Auriculæ inter carneos cancellos, medio inter Aortam & marginem acutum loco; Ejus alius ramus (b), comes Arteriae coronariae dextrae adscendebat, alius ad marginem acutum declivis (c), inosculabatur Venae auris dextrae. Caeterum duae, tres, quatuor, quinque, variis temporibus visae sunt, & semper ea fuit maxima, quae margini acuto propior. Saepe earum aliquae inferuntur, non auri, sed *Venae auris dextrae*.

§. VIII.

Vena Auris dextrae nova & perpetua Vena, plerumque ramus Venae Mediae, aliquando proprio osculo, propius finem, in commune ostium venosum inserta, dicta fuit nobis

(a) T. XVI. f. 1. 16 - 12.

(b) ib. 13 - 13.

(c) ib. 19 - 13.

nobis alibi nomine *Venae anterioris inferioris*. (a) Ea sequitur pene semper directionem arteriae Coronariae dextrae, sed superior, magis in Auris dextrae substantia, major quavis Innominata. Deinde vel descendit ad mucronem in plano inferiori, uno, vel duobus ramis, qui cum Vena Media varie confluunt, quales sunt observationes nostrae jam dictae, binaeque nuperiores. Et tunc quidem Innominatae sua oscula sibi habent in aure. Alias in planum anterius redit Vena nostra, atque tunc est truncus Innominatarum, quarum duas, tresve, suis notis satis conspicuas recipit, inque ostium commune ducit. Alias in planum anterius redit quidem, sed cito desinit minor, & inosculata Innominatae inferiori. Haec Vena a parte inferiori auris dextrae, & a cordis dextri parte intima & anteriori, insignem sanguinis portionem in ostium venosum deducit, nemini dicta. Nomen a situ dedimus, semper enim longo ductu radicem dextrae Auris observat.

§. IX.

(a) *De Vas. Cord.* XVI.

§. IX.

Semel omnino admiratione dignam ejus varietatem vidimus, si quidem fuit varietas, neque aliqua nostra culpa posteriores observationes effugit. Triplex nempe & continuus circulus venosus Cor ambivit. Quorum alius initio facto ab ostio communi venoso, Coronariam magnam junxit propriae Venae peculiari, quae & ipsa communicavit cum Vena dextra, in ostium reduce. Hic magnus circulus fuit. Minores duo circuli venosi suum singulus ostium venosum coronavit. Pulchra fabrica, haec fuit. Atque quidem, Vena auris dextrae, ex *Media* proveniens, recipiebat Innominatas aliquot. Eadem, in plani superioris parte ima & anteriori, reperiebat *sinum venosum*, (a) oblique in auris substantia situm, huic inferebatur, & cum ipso, auris dextrae recessui inter lacertos carneos, ut solet Innominata. Verum eidem sinui infere-

(a) VIEVSSENS Tab. IV. f. I. I. I. T. XI. f. 1. L. & p. 46. Habuit eum sinum pro communi ostio Venarum Innominatarum. Nobis semel visus omnino, alias Venae Innominatae seorsim suis ostiolis se aperuerunt.

ferebatur adveniēns a superiori parte, & ex Aortae regione *Vena peculiaris*, (b) quae versus Aortam ducebat flatum stylumque, subque hujus Aortae radice, ad arteriam Pulmonalem erepebat, ante ejus vero originem rete faciebat conspicuum & elegans, atque eadem in sede inferebatur Venae Coronariae magnae ramis, ubi ea incipit reflexa ad mucronem descendere. Sic dimidium dextrae auris ambitum descripserat venosus circulus. Deinde vena Coronaria magna semicirculum suum solitum circa sinus sinistri radicem perficiebat. Circa universum Cor vero unus jam, isque continuus circulus deductus erat. Sed latebat praeterea in sinus dextri radice, super osculum valvulosum, orificium *Venae occultae*, inter Arteriam Aortam anterieus positam, & Venae coronariae ostium posterius. Id ostium duxit per rectam venam ad Aortam usque, ubi fissa vena, alterum ramum, ad posteriora, sinistra, superiora arteriae Magnae inseruit *Venae peculiari* modo dictae
ad

(b) Qualis est EVSTACHIANA T. XVI. f. 1. 13 - 13. dicta ad §. VII. not. b.

ad ipsam Aortae radicem inferius, sicque perfecit cum Vena peculiari ambitum venosum auris dextrae. *Venae vero occultae* ramus alter ad inferiora, dextra, anteriora Aortae duxit, & emerfit ad ipsam originem arteriae Coronariae sinistrae, datis ad Aortam Arteriam ramis; isque ramus in supremo margine obtuso inferebatur Coronariae superiori, cum qua circum auris sinistrae perfecerat. Ibat ergo ab ostio venoso Coronariam flatus, per venam Coronariam, in osculum *venae occultae*, itidemque in *venam peculiarem* arteriae Pulmonalis comitem, per hanc in *Venam dextrae auris* denuoque in *Mediam*, liberrime. Neque absque spe sumus, saepius, imo plerumque forte, hanc fabricam, adeo opportunam ad expeditissimum sanguinis iter repertam iri sedula inquisitione, solo flatu, & continua patienti stylorum exploratione. Insectio enim ceracea nihil hic proficit.

§. X.

Alias venas peculiare, *Venam valvularum ostii dextri*, juxta valvulam coronariam apertam; & alias juxta vestigium ovale, ad hoc

ipsum *vestigium*, (a) ad *aurem*, & *sinum* ducentes, harumque similes, ut exiguas, & non constantes, omittimus enarrare.

§. XI.

In *Vena Magna Coronaria* nihil vidimus, quod a prioribus observationibus (a) differret. Unicam nuper valvulosam rugam vidimus, quae in ipso trunco, sub sinistro sinu, ad perpendiculum e venae membrana eminuit. Sed neque ea restitit aeri, neque pro valvula haberi debet.

§. XII.

Vena Media nunquam defuit, & pene perpetuo, ultra cordis mucronem per convallem apicibus ventriculorum interjectam emergit ad planum superius, obviamque ivit, ei, cui

(a) Veine Isthmique VIEVSS. T. XII. f. I. L. & p. 35.

(a) l. c. XIII.

(a) Visa est ejus manifestissima valvula, alia ab ostiolo Coronariae, ut denuo cogar dissentire a Cél. TREWIO, qui solam educatam sinus membranam Coronariae pro valvula esse existimat de differ. inter nat. & non nat. p. 49:

cui & inosculatur, Venae Coronariae magnae.

§. XIII.

Denique de *Valvula EVSTACHII* superiores aliquas observationes visum est addere prioribus (a) experimentis, quod institutum ipsa rei adfinitas non incommodum fore persuasit. In sex cordibus humanis, magno consensu, confirmata est descriptio ejus valvulae, quam proprio scripto exposui. Semper firma, & duplicata membrana sinus, (b) gracili ortu, e sinistra columna Isthmi, ascendit juxta radicem auriculae primo sinistrorsum, deinde semicirculari ambitu dextrorsum, adusque sedem pene e regione obpositam origini, ductu ad horizontem parallelo. Nunquam reticulata visa est, (c) nun-

(a) in progr: de *Valvula EVSTACHII*, quod Aprili mense 1738. prodiit, destinatum equidem ad initium hyemis, & media hyeme perfectum, neque tamen editum prius. In quo, manifestum viciū corrigere valde necessarium visum est. Male nempe p. 7. *Sinisterius* dicitur posita esse quam ostium venae Coronariae, quae adeo manifeste testis dexterior.

(b) Unius, duarum, trium tandem linearum latitudine visa est.

(c) Et si quidem habitum imitata est reticuli, is tamen manifeste per-

nunquam nisi versus Venam Cavam convexa ad aurem vero concava. In foetu manifeste omnino ex Isthmi crure continuo deducta, eum finem habere visa est, ut sanguinem Venae Cavae inferioris avertat ab aure, cogatque occurrere foramini ovali (e). In adulto is finis unice convenire videtur fabricae, ut sanguinem ex contracta auricula cedentem contineat, neque permittat, ut in Cavam Venam redeat, qui cordi totus debetur.

Verum de his quidem satis & nimium. Dicendum nunc est de eo Viro, quem hodie summis in Medica arte honoribus ornandum publice proponimus. Is est

IOHANNES LVDOLPHVS CHRISTIANVS
MEIER,

Natus in Luneburgici ducatus vico Eb-
storf,

pertinuit ad auris cancellos, neque adtigit Valvulae jugum. Ut etiam magis videatur praeter legem naturae esse eas areolas, quas lacera membrana aliquando intercipit. In corde tamen nuperrime dissecto apprime polypofo, integra fuit.

(d) Moneo, quod nuper aliter descripta sit, sed nisi omnia fallunt, non ad Naturae normam.

(e) Uti perspicaciter observavit Cel. TREWIVS l. c. p. 76.

(f) Progr. nostr. de Valv. Eust. §. VI. not. t.

storff, die XXV. Julii anni MDCCXIV. Pater fuit JOHANNES VLRICVS MEYER Aulæ Regiæ Chirurgus, mater femina ornatissima CHRISTINA JULIANA DE COLMANN, cujus Pater FRANCISCVS olim *vigiliarum prae-fectus* (vulgo MAIOR) meruerat in exercitu GEORGII WILHELMI Ducis Cellensis. Bonarum Literarum initiis inbutus est opera JACOBI HENRICI MARCARD doctissimi in Cellensi Gymnasio Rectoris, & JOHANNIS MARTINI LUDOVICI EVERS, Conrectoris ejusdem Scholæ. Inde anno MDCCXXXII. in Academiam JULIAM migravit, nomenque dedit Prorectori Magnifico JONAE CONRADO SCHRAMM, S. Th. D. P. Prim. & eam, quam a PATRE fideliter acceperat Chirurgicae artis cognitionem, insigniter auxit praeceptis Viri Celeberrimi LAVRENTII HEISTER, quem in plerasque Medicinae partes praelegentem audivit: Praxeos vero regulas ab Archiatro GVELPHICO BRANDANO MEIBOMIO, Anatomica & Chemica a PETRO GERIKE, viris amplissimis didicit. Triennio Academico defunctus, in Regiam Anglorum LONDINVM se contulit an-

no MDCCXXXV. ibique viris celeberrimis, CHESELDEN, TEISSIER, AMYAND, MIDDLETON, BELCHIER ita innotuit, ut plurima ad perfectiorem Chirurgiæ & Medicinæ cognitionem pertinentia ex eorum sermonibus disceret. In Nosocomiis Londinensibus, eoque in primis quod nomen habet *Hyde-Park-Corner*, curationibus aegrorum per sesquiennium operam dedit. His subsidiis instructior, patriam repetiit, & in REGIA GEORGIA AVGVSTA, intimae admissionis discipulus, a me Institutiones Medicas ad ductum BOERHAAVII repetito audivit. Eadem vero in Urbe, Virginis sibi ignotae, Ornatissimae vero, & amore suo dignissimae ANNAE CATHARINAE WOHLFELD varias dotes ita perspexit, ita vicissim placuit amatae virgini, ut eam sibi dulcissimam vitæ sociam laetus nunc habeat. Supererat, ut studiis suis legitimum finem inponeret. Quare cum ad examina solennia respondisset, ex antiquo more, die XIV. Septembris MDCCXXXIX. praefide me D. ALBERTO HALLER P.P.O. Archiatro, & ordinis medici Decano, publice disputabit, *de nupera dissectione feminae*
gra-

gravidæ. Ad eam cerimoniam officiosissime invitamus MAGNIFICVM GEORGIAE AVGVSTAE PRORECTOREM, ILLVSTRISSIMOS COMITES, PROFESSORES ACADEMIAE CELEBERRIMOS & omnes qui studio-
rum gratia civitati nostrae adscripti sunt. Sigillum ordinis medici adposuimus.



၁၆။ ...
၁၇။ ...
၁၈။ ...
၁၉။ ...
၂၀။ ...

